



Broj : 27-14-23733-2.2/16
Sarajevo, 12.08.2016. godine

Na osnovu Zaključka Vlade Kantona Sarajevo broj: 02-05-23316-35/16 od 14.07.2016.godine i Odluke broj: 27-05-25354/16 od 12.08.2016. godine ministra Ministarstva komunalne privrede i infrastrukture, Ministarstvo komunalne privrede i infrastrukture, raspisuje

PONOVNI JAVNI POZIV
za dodjelu prava korištenja stubova javne rasvjete na području Kantona Sarajevo za postavljanje reklamnih panoa

1. PREDMET JAVNOG POZIVA

Predmet javnog poziva je dodjela prava korištenja stubova javne rasvjete na području Kantona Sarajevo za postavljanje reklamnih panoa .

Predmet javnog poziva su slijedeći LOT-ovi:

LOT 1 : Općina Stari Grad (91 stub javne rasvjete)

LOT 2 : Općina Centar (187 stubova javne rasvjete)

LOT 4: Općina Novi Grad Sarajevo (130 stubova javne rasvjete)

LOT 7: Općina Hadžići (14 stubova javne rasvjete), Općina Trnovo (12 stubova javne rasvjete)

2. PRAVO UČEŠĆA

Pravo učešća imaju sva pravna lica koja su registrovana na području Bosne i Hercegovine za obavljanje djelatnosti reklamiranja i oglašavanja.

3. SADRŽAJ PONUDE

Ponuda treba da sadrži pismo ponude i ostale dokaze navedene u tenderskoj dokumentaciji o ispunjavanju uslova za prijavu na javni poziv.

4. KRITERIJI ZA OCJENJIVANJE PONUDE

Kriterij za ocjenjivanje ponude je najveća ponuđena cijena na period od tri godine po stubu javne rasvjete na koji se može postaviti reklamni pano, avansno plaćanje i ustupanje reklamnih panoa na raspolaganje Kantonu Sarajevu za njegove potrebe bez naknade.

Ponuđači mogu iskazati ponude za maksimalno 2 lota.



Početna cijena po stubu javne rasvjete za period od tri godine iznosi 360,00 KM bez PDV-a.

U slučaju ponuđača sa istim brojem bodova prilikom ocjena ponuda, prednost će imati ponuđači sa većim brojem zaposlenih i većim prometom poslovanja.

U slučaju da neki lotovi iz javnog poziva ne budu imali iskazanih ponuda, Ministarstvo komunalne privrede i infrastrukture će dati saglasnot naknadno ponuđaču koji iskaže interes po početnoj cijeni od 10 KM /stubu / na mjesečnom nivou.

5. PREUZIMANJE TENDERSKE DOKUMENTACIJE

Tenderska dokumentacija može se preuzeti u prostorijama Ministarstva komunalne privrede i infrastrukture, Ul. Hamida Dizdara br. 1., IV sprat, soba broj 408, svakim radnim danom od 15.08.2016 godine do 23.08.2016.godine u vremenu od 09:00 do 11:00 sati, uz predočenje dokaza o uplati naknade za tendersku dokumentaciju. Zainteresirani ponuđači imaju pravo uvida u tendersku dokumentaciju prije nego što je otkupe.

Novčana naknada za tendersku dokumentaciju po jednom LOT-u iznosi 10,00 KM.

Novčana naknada za tendersku dokumentaciju uplaćuje se na depozitni račun: Kantona Sarajevo broj: 338-000-22100192-63 otvoren kod Uni Credit banke, vrsta prihoda: 722631, budžetska organizacija: 3401001, općina: 077-Centar Sarajevo, svrha: naknada za tendersku dokumentaciju.

Informacije o otkupu tenderske dokumentacije mogu se dobiti na tel.: 033/560-442, kontakt osoba je g. Dženita Viteškić.

6. PODNOŠENJE PONUDA

Ponuda se dostavlja u zapečaćenoj kovrti sa naznakom: „NE OTVARAJ – PRIJAVA NA JAVNI POZIV za dodjelu prava korištenja stubova javne rasvjete na području Kantona Sarajevo za postavljanje reklamnih panoa“; adresa Ministarstvo komunalne privrede i infrastrukture Kantona Sarajevo, Ul. Reisa Džemaludina Čauševića broj 1- PISARNA, najkasnije do 24.08.2016.godine, do 12,00 sati.

7. DATUM I MJESTO OTVARANJA PONUDA

Javno otvaranje ponuda obaviti će se dana 24.08.2016.godine u 12,15 sati u Multimedijalnoj sali zgrade Kantona Sarajevo, Ul. Reisa Džemaludina Čauševića broj 1.

Otvaranju ponuda mogu prisustvovati jedan ili više ovlaštenih predstavnika ponuđača uz predočenje ovlaštenja u pisanoj formi.

8. OSTALE ODREDBE

O rezultatima javnog poziva učesnici istog biće pismeno obaviješteni u roku od 8 (osam) dana od dana donošenja odluke o izboru najpovoljnijeg ponuđača.

Učesnici javnog poziva mogu u roku od 8 (osam) dana od dana dostavljanja odluke o izboru najpovoljnijeg ponuđača izjaviti prigovor na istu Ministarstvu komunalne privrede i infrastrukture Kantona Sarajevo.

Ministarstvo komunalne privrede i infrastrukture Kantona Sarajevo ne snosi nikakve troškove ponuđača u postupku javnog nadmetanja, u slučaju da će poništiti " Ponovni Javni poziv", ne izvrši se izbor najpovoljnijeg ponuđača ili odbiju se sve ponude u bilo koje vrijeme prije sklapanja ugovora i pri tome neće snositi nikakvu odgovornost prema ponuđačima, niti je u obavezi objasniti razloge takve odluke.




web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Oglas će biti objavljen u dnevnom listu "Dnevni avaz" i na web stranici Ministarstva komunalne privrede i infrastrukture Kantona Sarajevo.

Sve dodatne informacije mogu se dobiti na telefon broj: 033/560 - 442

Kontakt osoba je Dženita Viteškić.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

